

Fylgiseðill: Upplýsingar fyrir notanda lyfsins

Oviderm 250 mg/g krem

própýlenglýkól

Lesið allan fylgiseðilinn vandlega áður en byrjað er að nota lyfið. Í honum eru mikilvægar upplýsingar.

Alltaf skal nota lyfið nákvæmlega eins og lýst er í þessum fylgiseðli eða eins og lækinn, lyfjafræðingur eða hjúkrunarfræðingurinn hefur mælt fyrir um.

- Geymið fylgiseðilinn. Nauðsynlegt getur verið að lesa hann síðar.
- Leitið til lyfjafræðings ef þörf er á frekari upplýsingum eða ráðgjöf.
- Látið lækinn, lyfjafræðing eða hjúkrunarfræðinginn vita um allar aukaverkanir. Þetta gildir einnig um aukaverkanir sem ekki er minnst á í þessum fylgiseðli. Sjá kafla 4.
- Leitið til læknis ef sjúkdómseinkenni versna eða lagast ekki.

Í fylgiseðlinum eru eftirfarandi kaflar:

1. Upplýsingar um Oviderm og við hverju það er notað
2. Áður en byrjað er að nota Oviderm
3. Hvernig nota á Oviderm
4. Hugsanlegar aukaverkanir
5. Hvernig geyma á Oviderm
6. Pakkningar og aðrar upplýsingar

1. Upplýsingar um Oviderm og við hverju það er notað

Oviderm er mýkjandi krem sem inniheldur virka efnið própýlenglýkól (25%). Própýlenglýkól hefur vatnsbindandi eiginleika og að einhverju leyti örverueyðandi áhrif, á ákveðnar bakteríur og sveppi.

Oviderm er notað til meðhöndlunar á húðþurrki hjá fullorðnum og börnum.

2. Áður en byrjað er að nota Oviderm

Verið getur að lækinn hafi ávísað lyfinu við öðrum sjúkdómi eða í öðrum skömmtum en tiltekið er í þessum fylgiseðli. Ávallt skal fylgja fyrirmælum læknis og leiðbeiningum á merkimiða frá lyfjabúð.

Ekki má nota Oviderm:

- ef um er að ræða ofnæmi fyrir própýlenglýkóli eða einhverju öðru innihaldsefni lyfsins (talin upp í kafla 6).

Varnaðarorð og varúðarreglur

Berið ekki Oviderm

-á brennt húðsvæði

-í eyrnahlustir vegna þess að própýlenglýkól getur valdið eyrnaskaða

Meðganga og brjóstagjöf

Engin áhætta af notkun kremsins á meðgöngu er þekkt.

Konur mega ekki nota Oviderm á eða í kringum geirvörtur þegar þær eru með barn á brjósti til að koma í veg fyrir að própýlenglýkól berist í munn barnsins að óþörfu.

Oviderm inniheldur cetósterýlalkóhól

Getur valdið staðbundnum viðbrögðum í húð (t.d. snertihúðbólgu).

3. Hvernig nota á Oviderm

Alltaf skal nota lyfið nákvæmlega eins og lýst er í þessum fylgiseðli eða eins og lækinn, lyfjafræðingur eða hjúkrunarfræðingurinn hefur mælt fyrir um. Ef ekki er ljóst hvernig nota á lyfið skal leita upplýsinga hjá lækni, lyfjafræðingi eða hjúkrunarfræðingnum.

Fullorðnir og börn

Bera skal kremið á húðina eftir þörfum, helst nokkrum sinnum á dag, og alltaf eftir snertingu við vatn. Berið á eins mikið af kremi og húðin nær að draga í sig án þess að verða klístruð.

Hvernig virkja á pumpuna:

Ýtið hratt á pumpuna nokkrum sinnum við fyrstu notkun. Endurtakið þar til krem kemur út úr pumpunni.

4. Hugsanlegar aukaverkanir

Eins og við á um öll lyf getur þetta lyf valdið aukaverkunum en það gerist þó ekki hjá öllum.

Algengar: geta komið fyrir hjá allt að 1 af hverjum 10 einstaklingum

- Skammvinnir stingandi verkir, kláði, stingir og roði í húð.
- Ofnæmisviðbrögð.

Tilkynning aukaverkana

Látið lækinn eða lyfjafræðing vita um allar aukaverkanir. Þetta gildir einnig um aukaverkanir sem ekki er minnst á í þessum fylgiseðli. Einnig er hægt að tilkynna aukaverkanir beint til Lyfjastofnunar, www.lyfjastofnun.is. Með því að tilkynna aukaverkanir er hægt að hjálpa til við að auka upplýsingar um öryggi lyfsins.

5. Hvernig geyma á Oviderm

Geymið lyfið þar sem börn hvorki ná til né sjá.

Ekki skal nota lyfið eftir fyrningardagsetningu sem tilgreind er á túpunni og öskjunni eða ílátinu á eftir „EXP“. Fyrningardagsetning er síðasti dagur mánaðarins sem þar kemur fram.

Ekki má skola lyfjum niður í frárennislagnir eða fleygja þeim með heimilissorpi. Leitið ráða í apóteki um hvernig heppilegast er að farga lyfjum sem hætt er að nota. Markmiðið er að vernda umhverfið.

6. Pakkningar og aðrar upplýsingar

Oviderm inniheldur

- Virka innihaldsefnið er própýlenglýkól. 1 gramm af kremi inniheldur 250 mg af própýlenglýkóli.
- Önnur innihaldsefni eru kókosfeiti, cetósterýlalkóhól, sterínsýra, makrógólsterat, glýserólmónósterat, natríumsítrat, vatnsfrí sítrónusýra, hreinsað vatn.

Lýsing á útliti Oviderm og pakkningastærðir

Oviderm er hvítt, lyktarlaust krem. Það fæst í plasttúpu (100 g) eða plastlátu með pumpu (500 g) eða Tvöföld pakkning, 600 g sem inniheldur plastlát með dælu (500 g) + plasttúpu (100 g). Ekki er víst að allar pakkningastærðir séu markaðssettar.

Markaðsleyfishafi og framleiðandi

Markaðsleyfishafi

Galenica AB
P A Hanssons väg 41
205 12 Malmö
Svíþjóð

Framleiðandi

Bioglan AB
Borrgatan 31
211 24 Malmö
Svíþjóð

(Á eingöngu við tvöfalda pakkningu)

Galenica AB
P A Hanssons väg 41
205 12 Malmö
Svíþjóð

Þessi fylgiseðill var síðast uppfærður í apríl 2025.